

Sonja und Gabi's 60zga Feier

Is anuascht a Fest ug'sagt,
stöd si woi a jeds de Frag
Was leg i u, was passt do wohl
deshoib find i a „Motto“ wirklich toll
„Bunt wia a Regnbogn“ hob's gsagt es zwoa
folgsam wia ma send, wean ma des scho toa.
Und so sen ma gerüstet fi di heitige Nacht
sen ma net ...a wohre ...Farbenpracht
Tat ma iatz ned auf die Silberne trainian
Kammat ma auf die Idee, am Catwalk zu brillieren
Do war vom Tanzen weck ...
iatz grod mea a Sprung....
Ja ja, der Ehrgeiz,..... der hoit' ins jung.
Ma braucht kod enk zwoa Geburtstagskinder uschaugn
da tuat ma jo seine Augn net traun
Iatz soid's es zwoa scho 60zge sei,
des foiat oan jo im Tram ned ei.

Guat bei dia, Gabi, ...zwischen oi deine Promis,do is jo schiaga
Pflicht,
dass ma jo auf gar koan Foi anuascht... a Foitä siecht.

Owa a du,Sonja, mei Liaba, ...du hoitst di woitan guat
und iatz, frisch pensioniert, mit neuem Muat,
denkst sogar dru, iatz, wo dei Tonzreimä frisch vaspiagelt is
mit Ufangla z'trainian mit neuem Schmieß.
Du moanst a zwoats Standbein, des zoit si ...oiwei aus
es muass jo schließlich wieda a Geld ins Haus.

Na, iatz fong's es..... net glei zum Eifern u
Es seid's doch die Guatn,..... es kemmt's oiwei ois Easchta dru.

Mia sen decht a zsamg'wachsna Haufn oisant
kemman guat aus und roasn a scho vü umanond.
Ob auf Parties, Workshops oda a über die Grenzen hinaus
lassen mia koa Gaudi aus.

Insa Chefin, de organisiascht, do braugst di um gor nix gram,
do war's a gleich, lossatst dei Gehirn dahoam.

Bei de Ausflüg, do kemman ma glei a poor Anekdoten an Sinn
de oaflirt' vorig's Johr mit an Bürgermoasta, i glab i spinn.
Hoia, bei da ondanmuass i dolmetschen, sist hockats heit nu aufn
Klo,
Gott sei Dank woäß... i, was „tschergat“ hoäßt, warn mia do froh
Weil mia miassn ins jo schlein,
schließlich hom jo an Termin auf Burg Reifenstein

Plötzlich sen ma ins Mitteloita vasetzt
wia wüd dass' do zuagonga is,..... mia warn ganz entsetzt.
An Zahn zualegn oda an Löffi ogebn
Ab in die Kiste,ma head d'Leit heit nu so redn.

Koit war's in dea Burg, mia sen schiaga dafruan
Send mia froah gwen, wia ma wieda in Sterzing warn.

Zum Mittagessn suach mia an „Fink“, zwoa wissns ganz genau
mia rennan hintnoch, dabei is des Lokal in Brixen, du liabe Frau
Z'letzt sen ma no,...im „Goldenen Löwen“ glandt
Do dekorierns „Schafi mit Flügel“, des is ollahand.

Gschnachts, donn an da Bar, hot di oa des Tanzbein gschwungen
und lauthois a poor Gstanzl gsungen.
Aus Platzmangel hom mia ins vua's Haus außi g'hockt
und send eh woitan gleim zsamgruckt.
Dass' ins jo koane dafriascht,
hom's Tablett-weis die Schnapsl serviascht.

Am naxten Tog ..logisch ...wars dann a Plag
do stehst no hea, des is amoi gor koa Frag.
Nur... kollektiv!!,..... es gibt koa Schwächeln
wenn ma a hintnochi hechln.
Da Waalweg steht am Programm, des is heit fix
do nutzt des ganze Jammern nix.

Gott sei Dank geht's do oiwei ebn **dahin**
Zletzt hom ma ins in a Äpfi--plantage vastiegn
Do hom ma gmoant, mit da Abkürzung moch ma was wett
dabei finden mia des ondare Ufer net.

Endlich.... schoit.... die Annemarie ihr Navi ei
jo foit denn dea des net friahra ei.
Iatz sen ma zweitigst unt va lauta ratschn
und megn des ois wieda auffihatschn.

Kurzum auf'd Nacht wead des begossn
und zletzt hom oisant den Tag genossen.

Zruck nach der wunderbaren Roas
a jede vo ins des ganz gwiss woäß.
Es macht mitanond net kod vü Spaß
es is a aufanonda ganz gwiss' a Valoss.

Mit Smileys hom ma die letzten zwoa zur Bronzenen unterstützt
de Hanna und de Erika dia hom vielleicht gschwitzt.
Oba iatz sen ma komplett und kinnans probian
ins auf die Silberne zu konzentrian
Mit deiner Hüf'und deinem Elan,
liabe Sonja, nehman mia die Herausforderung an.
Und toan sich auf so manche Fragen
No toan ma's zusätzlich da Birgit sagen
De richt' ins die Wadl scho hi und sag' ins wia's geht
dass a jeds vua da Jury dann des Silberne besteht.
Drum brauch' ma ins net grabn und kinnan iatz blitzen
Weil ins toan zwoa va de Besten unterstützen.
Und de Maud, de gibt heit a des Best
wertet auf mit Gsang und Musik des Fest.

Hoch leben insare Jubilare
Glück und Segen fi die nächsten 40 Jahre.
No schaugn ma, wiavü ma nu send im Gonzn
und voroim,.... ob ma's doscht nu ...datonzn?